

ՄԻ ԱՆՏԻՊ ՓԱՍՏԱԲՈՒՂԹ

Հայ դատին սատար կանգնելու դործում անժխտելի է ֆրանսիացի մտավորականների մեծ ներդրումը: Սկսած Վալդիյան ժամանակներից, նրանք բազմաթիվ բողոքի խոսք են ուղղել ընդդեմ Վալդիական կոտորածների, անարգանքի սյունին զամել Վալբրի ցեղասպանության կազմակերպիչներին, 1897 թ. Փարիզում կարդացած Վրաստանի զոհաբառության ժամանակ նշանավոր պատմաբան, Ֆրանսիական ակադեմիայի անդամ Ալբեր Վանդալը պատմության մեջ առաջին անգամ Արդուլ Համիդին անվանեց «կարմիր սուլթան»: Հետագա տարիներին Ժ. Ժորեսը, Ա. Ֆրանսը, Վ. Բերարը և ուրիշներ Վանդես են եկել ի նպաստ Վալ ժողովրդի:

Ստորև հրապարակվող փաստաթուղթը կազմվել է 1922 թ. դեկտեմբերին՝ ֆրանսիացի մտավորականների մի մեծ խմբի կողմից և ուղղվել լոզանի կոնֆերանսին, ուր զուգարկվել էր Մերձավոր արևելքի հետ կապված վիճելի հարցերի քննարկման համար: Սույն կոչով ֆրանսիացի 74 մտավորականներ, որոնց թվում Նորելյան մրցանակի երկու դափնեկիր (Ա. Ֆրանս, Ե. Ռիշե) և Ֆրանսիական ակադեմիայի վեց անդամ կոնֆերանսի մասնակից տերություններից պահանջում են արդարացի լուծում տալ Վալական խնդրին:

Փաստաթուղթը, որի պատճենը (մեքենագիր) պահվում է ՀՀ Պատմության և հնագիտության պետական արխիվում (ֆ. 430, ց. 1, գ. 1195), ներկայացնում է՝ Վ. Ա. Պոլոսյան

Վ. Ա. Պոլոսյան

Կոլեմ դը Ֆրանսի պրոֆեսոր պ[արոն] Ա. Մեյեի նախաձեռնությամբ
հետևյալ կոչը, ի նպաստ Հայաստանի, հենց նոր հղվեց
Լոզանի՝ կոնֆերանսին

Այն ահավոր վիճակը, որում ներկայումս գտնվում է Թուրքիայի հայ բնակչությունը, ամոթաբեր է քաղաքակիրթ աշխարհի համար:

Ինչպիսի վեհաժողովից ի վեր, ուր Թուրքական կառավարությունը խոստացել էր բարենորոգումներ անցկացնել կայսրության հայկական նահանգների վարչակարգում, և ուր եվրոպական վեց տերությունները ներգրավվել էին այդ բարենորոգումների վերահսկման գործում, այս դժբախտ ժողովուրդն արժանացել է միմիայն կոտորածների:

Պատերազմի ընթացքում դաշնակիցները հանդիսավորությամբ հայտարարեցին, որ Թուրքահայաստանի ազատագրումն իրենց մղած պայքարի նպատակներից է: Ազգերի լիգայի համաձայնագրի 22-րդ հոդվածը և այն որոշումները, որոնք հաղթանակից հետո ընդունվեցին դաշնակից կառավարությունների կողմից, ամրապնդեցին այդ խոստումը: Ազգերի լիգան միաձայն ընդունած բազմաթիվ որոշումներով հաստատել է հայկական ցեղի ապագան ապահովելու անհրաժեշտությունը՝ Ազգային օջախի ստեղծման միջոցով, մի բան, որը Նրան խոստացել էին: Այդ խոստումները դեռևս չեն իրագործվել, և հայ ժողովուրդը կրել է շատ ավելի մեծ տառապանքներ, քան այն, որ նա ապրել էր պատերազմից առաջ: Այս ժողովրդի՝ դաշնակիցների գործին ցուցաբերած նվիրվածության հետևանքով, ավելի քան մեկ միլիոն երկու հարյուր հազար հայեր վերջին ութ տարում զոհվել են՝ դառնալով կոտորածների, տեղահանությունների, համաճարակների և սովի զոհ: Կենդանի մնացածները հարկադրված են եղել լքել իրենց հայրենի հողը և զաղթել տարբեր երկրներ, ավելի քան 600.000 դժբախտներ այսօր մնացել են առանց տանիքի, վրանների տակ են, ժամանակավոր փայտաշեն տնակներում, զուրկ՝ իրենց հենարանների օգնությունը ստանալուց, քանի որ աշ-

խատուենակ տղամարդիկ ձերբակալվել են և արտաքսվել ներքին նահանգներ:

Մարդասիրությունը և արդարությունը, դաշնակիցների պատիվը և հենց իրենց՝ թուրքերի շահերը պահանջում են, որ վերջ տրվի Հայաստանի այս տանջանքներին և անհապաղ ստեղծվի Ազգային օջախ, որպեսզի գաղթականների այս խմբերը կարողանան այնտեղ համախմբվել և ապրել ապահով պայմաններում:

Ֆրանսիայի առաջատար մտավորականները միշտ պաշտպանել են այս աշխատասեր և խաղաղասեր հին ժողովրդի դատը, ժողովուրդ, որը գրավա-նություն և արվեստների բարեկամն է և որը դարեր շարունակ այնքան մեծ ծառայություններ է մատուցել քաղաքակրթությանը, լոգանի կոնֆերանսի՝ հիմնական խնդիրներից մեկը պետք է լինի նրա գոյությունը և սեզային մշակույթի պահպանումն ապահովող անհրաժեշտ միջոցառումների մշակումը: Մենք լիահույս ենք, որ Ֆրանսիայի և կոնֆերանսին մասնակցող բոլոր երկրների պատվիրակները բարոյական այդքան մեծ նշանակություն ունեցող այս հարցին կտան արդարացի լուծում, որը համանշանակ պահանջվում է ամենքի կողմից:

Փարիզ, 8 դեկտեմբերի 1922

Ստորագրել են.

Անատոլ Ֆրանս, Ֆրանսիական ակադեմիայի անդամ, Դքսուհի դը Նոայ: Մորիս Բարրե¹, Ֆրանսիական ակադեմիայի անդամ, Սենի դեպուտատ: Գարրիել Ֆոր. Ա. Մեյե, Կուլեթ դը Ֆրանսի պրոֆեսոր, Շառլ Դիհի², Ինստիտուտի³ անդամ: Գեներալ դը Լակրուա: Գուստավ Շլումբերգ⁴, Ինստիտուտի անդամ: Ֆերնան Գրեշ: Անրի դը Ռենիե⁵, Ֆրանսիական ակադեմիայի անդամ, Ռենե Պիսոն, Պոլ Դուկա: Ա. Բարտոլոմե: Ֆ. Ժամիե⁶, Օդեոնի տնօրեն: Սեզոն-Վերեր: Վիսան դ'Ինդի: Էդուարդ Բրանլի⁷, Ինստիտուտի անդամ: Գարրիել Մուրել: Մ[ոնսիյո]ր Շ. Լաթիե, Արևելի գործի տնօրեն: Մ[ոնսիյո]ր Ալֆրեդ Բոդրիլար⁸, Ֆրանսիական ակադեմիայի անդամ: Օգյուստ Գովեն, Ինստիտուտի անդամ: Էմիլ Բուրե, Էկլեզի տնօրեն: Լյուդովիկոս դը Կոնտենսոն: Աբրա Ժ. Դելարյու: Էռեստ Լեմոնոն, Գրականագետների ընկերության կոմիտեի անդամ: Ֆերդինանդ Բրյուսո, բանասիրական ֆակուլտետի ղեկավար: Անրի Բերտելմի, իրավունքի ֆակուլտետի ղեկավար: Մ. Մոլար, Գյուստությունների ֆակուլտետի ղեկավար: Դ[ոկտո]ր Շառլ Ռիշե⁹, Ինստիտուտի անդամ: Ռոբեր դը Ֆլեբ¹⁰, Ֆրանսիական ակադեմիայի անդամ: Պիեռ Միլ: Ալֆրեդ Կրուսսե¹¹, Ինստիտուտի անդամ: Պոլ Բոյե, Ժամանակակից արևելյան լեզուների դպրոցի վարչական տնօրեն: Գուստավ Էրվե, Վիլյամ Խաբի գլխավոր խմբագիր: Էդմոնդ Հարոկուր, Կլյունի թանգարանի տնօրեն: Էժեն Լոտիե, Ազատ մարդու գլխավոր խմբագիր: Մորիս Կրուսսե, Կուլեթ դը Ֆրանսի վարչական տնօրեն: Հ. Կասիտան, իրավունքի ֆակուլտետի պրոֆեսոր: Ալբեր Բենար, Գեղարվեստի դպրոցի տնօրեն: Անրի Ռաբո¹², Կոնսերվատորիայի տնօրեն: Անրի Բիդու: Ռենե Պյուե¹³, Անդրե Շերադամ: Գարրիել Մուտեյ¹⁴, Ֆրեզերիկ Մակլեր: Ա. Ֆերդինանդ Հերոլդ: Է. Սենար¹⁵, Ինստիտուտի անդամ, Ասիական ընկերության նախագահ: Բուիսոն, Բուշ դյու Ռոնի դեպուտատ: Ա. Մարգեն, Մառնի դեպուտատ: Քսավիե Վալլա, Արգելի դեպուտատ: Շառլ Գիդ, իրավունքի ֆակուլտետի պրոֆեսոր: Պոլ Ֆուրնիե¹⁶, Ինստիտուտի անդամ, իրավունքի ֆակուլտետի պրոֆեսոր: Էդուարդ Սուրիե, Փարիզի դեպուտատ: Մորիս Բելե, Վերին Գարոնի դեպուտատ: Մարիուս Մուտե, Ռոնի դեպուտատ: Գաստոն Դեշան, Դյու-Սեի դեպուտատ: Շ. Գեռնիե, Իլ դը Վիլենի դեպուտատ: Լեոն Դոգե¹⁷, Գոնկուրի ակադեմիայի անդամ, Սենի դեպուտատ: Լյուսիեն Գիտրի: Ալֆրեդ Վալլետ, Մերկուր դը Ֆրանսի տնօրեն: Պոլ Լաբե, Ֆրանսիական դաշնակցության գլխավոր քարտուղար: Անտուան Բուրդել: Ժ. Լակուր-Գայե¹⁸, Ինստիտուտի անդամ: Ռենե Դյումենիլ, «Ռապիլի» գլխավոր խմբագիր: Գ. Միլե, Բարձրագույն ուսումնասիրությունների դպրոցի պրոֆեսոր: Դ[ոկտո]ր Ռու¹⁹,

Պաստյորի ինստիտուտի տնօրենն է Լ. Հավեն²⁰, ինստիտուտի անդամն է Կամիլ Ֆլամարիոն²¹, ինստիտուտի անդամն է Ռաշիդ Ժ. Հ. Ռոսնի ավագ²², Գոնկուրի ակադեմիայի անդամն է Վիկտոր Բերար, Ժյուրայի սենատորն է Նուի Մարտեն, Վարի սենատորն է Ժան Գիլոտո, Մորրիանի սենատորն է Դիոկտոր Նոել Կազալս, Կանտալի սենատորն է Հ. դը Լավրինյե, Վանդեայի սենատորն է

ԾԱՆՈԹԱԳՐՈՒԹՅՈՒՆՆԵՐ

- 1 Բարրե Մորիս (1862—1923)—գրող, Ֆրանսիական ակադեմիայի անդամ (1906)։
- 2 Գիենշի Շառլ (1859—1944)—բյուզանդագետ, Արձանագրությունների և բանահյուսության ակադեմիայի անդամ (1910)։
- 3 1795 թ. ստեղծված Ֆրանսիայի ինստիտուտն ընդգրկում է մինչև այդ երկրում գործող հինգ ակադեմիաները՝ Ֆրանսիական ակադեմիան, որի 40 անդամները կրում են «անմահ» տիտղոսը, Արձանագրությունների և բանահյուսության ակադեմիան, Գիտությունների ակադեմիան, Գեղարվեստի ակադեմիան, Բարոյական և քաղաքական գիտությունների ակադեմիան։
- 4 Շլումբերգի Գուստավ (1844—1929)—բյուզանդագետ, Արձանագրությունների և բանահյուսության ակադեմիայի անդամ (1884)։
- 5 Ռենիե Անրի դը (1864—1936)—գրող, Ֆրանսիական ակադեմիայի անդամ (1911)։
- 6 Ժամիե Ֆիրմին (1869—1933)—ղեկասան, Փարիզի Օդեոն թատրոնի տնօրեն (1922—1930)։
- 7 Բրանլի էդուարդ (1844—1940)—ֆիզիկոս, Ֆրանսիական ակադեմիայի անդամ (1911)։
- 8 Բոդրիլար Ալֆրեդ (1859—1942)—կարդինալ, Ֆրանսիական ակադեմիայի անդամ (1918), աշխատությունները նվիրված են կրոնի պատմության հարցերին։
- 9 Ռիշե Շառլ (1850—1935)—ֆիզիոլոգ, Նոբելյան մրցանակի դափնակիր (1913), Բժշկական ակադեմիայի անդամ (1898), Գիտությունների ակադեմիայի անդամ (1914)։
- 10 Ֆլեր Ռոբեր դը (1872—1927)—դրամատուրգ, Ֆրանսիական ակադեմիայի անդամ (1920)։
- 11 Կրուսսե Ալֆրեդ (1845—1923)—դրականագետ, Արձանագրությունների և բանահյուսության ակադեմիայի անդամ (1886)։
- 12 Ռաբո Անրի (1873—1949)—կոմպոզիտոր, Կոնսերվատորիայի տնօրեն (1920—1941)։
- 13 Պյուռ Ռենե—1922 թ. Իզմիրի կոտորածների վերաբերյալ հրատարակել է «Իզմիրի վախճանը» խորագիրը կրող գրքուկը (Փարիզ, 1922), որը գրված է ականատեսների վկայությունների հիման վրա։ 1923 թ. այն վերահրատարակվել է Իզմիրի վերջին օրերը վերնագրով։
- 14 Գ. Մուրնյի ազգանունը հիշատակվում է երկրորդ անգամ։
- 15 Սենար էմիլ (1847—1928)—գրականագետ, արևելագետ, Արձանագրությունների և բանահյուսության ակադեմիայի անդամ (1882)։
- 16 Ֆուրնիե Պոլ (1853—1935)—պատմաբան, իրավունքի պատմության մասնագետ։
- 17 Դոդե Լեոն (1867—1942)—գրող, Գոնկուրի ակադեմիայի անդամ (1897)։
- 18 Լակուր-Գայե Ժորժ (1856—1935)—պատմաբան, Բարոյական և քաղաքական գիտությունների ակադեմիայի անդամ (1911), աշխատությունները նվիրված են Ֆրանսիայի նոր դարի պատմության հարցերին։
- 19 Ռու էմիլ (1853—1933)—բժիշկ, Բժշկական ակադեմիայի անդամ (1895), Գիտությունների ակադեմիայի անդամ (1899), Պաստյորի ինստիտուտի տնօրեն (1922—1930)։
- 20 Հավեն Լյուդովիկոս (1849—1925)—գրականագետ։
- 21 Ֆլամարիոն Կամիլ (1842—1925)—աստղագետ։
- 22 Ռոսնի Ժոզեֆ Հենրի ավագ (1856—1940)—գրող, Գոնկուրի ակադեմիայի անդամ (1896)։